

重修兩淮鹽法志

兩淮鹽法志卷一百三十九

優恤門

恤商上

淮綱正雜內外支款歲需銀八百餘萬實徵僅得其半
課重商疲因而墊欠虧挪公私夾帶百弊從此起矣道
光閒南北商人負欠纍纍前後不下數千萬兩鹽臣畫
清界限分別停緩一時新綱舊欠無牽制佔礙之虞然
後鹺務始有轉機茲恭錄

開國以來

列聖仁政暨鹽臣嘉謨爲上下二篇所以體恤商艱亦云至矣

後此者知愛商卽所以保課於食貨其庶幾乎志恤商
順治二年巡鹽御史李發元題爲鹽盡商散懇示固結一
疏言自前朝套搭左兵焚劫商心已散猶有一綫之繫
者恃此積鹽耳比臣入淮見巨艦橫流皆固山助餉之
鹽而淮北之鹽盡矣及入揚四百餘船之捆鹽已變價
開帆而在橋在壩在垣有主無主之商鹽又奉盡行充
餉之令而淮南之鹽又盡矣其已經變價者臣言亦無
益惟垣鹽六萬引皆商人貲本購之場下備腳運載至
揚堆積垣內各各封識據道司申詳的係有主雖云充
餉尙未裝運數日以來情景皇皇商以此鹽與臣決去

留臣亦以此鹽與商覘聚散在助餉不啻稊米而繫商勢若萬鈞伏乞

皇上仍將垣鹽還商庶幾其心可結而招徠可施耳說者謂套搭如彼其苦也而商不散今反散者何故蓋套搭雖苦舊引猶望帶銷雞肋未免堪惜今舊引已如故紙積鹽又赴逝波全無可戀此臣所以鯁鯁爲慮也戶部覆准順治三年正月戶部覆准巡鹽御史李發元題請蠲免兩淮鹽課一疏查江南底定

恩詔大兵經過地方免徵糧一半歸順地方不係大兵經過者免三分之一元年山東長蘆鹽課先已蠲免兩淮事同

一體亦應照此徵課以昭

朝廷浩蕩之恩

順治九年二月戶部議覆巡鹽御史張椿奏查追淮商順治二三年分未完正課銀二十九萬九千一十八兩零四年分未完正課銀十七萬六千三百二十二兩零皆額外加增之數懇請蠲豁戶部議覆查兩淮鹽課二三年未完銀兩查照經制每引六錢二分五釐今鹽臣疏稱前鹽臣於順治二年十月內因兩淮殘破商人未集具有量力行鹽一疏內開每引引價五錢丙戌一年爲止後不爲例曾經臣部覆允其二三兩年未納銀兩

相應豁免至四年未納銀十七萬六千三百餘兩業經題定後不爲例自當照數補徵第兩淮歲輸正雜課銀一百二十餘萬兩新舊並徵恐商力有限請於三年內帶徵

康熙四年十二月巡鹽御史黃敬璣題淮北通課酌議帶徵一疏淮北歲納額課一十九萬有奇行鹽之地止淮安廬鳳與河南汝甯一府俱屬荒殘地方兼以陸路運本費重且淮北之商大半無貲一遇徵課卽賤價速售又以額外新加款項甚多其最苦尤在庚子積欠蓋庚子積欠八萬二千九百餘兩存引在庫當日舊商消乏

逃亡萬無追究現在新商歲辦額課尙苦維艱責以代賠前欠敲朴難完運司屢爲詳請援

赦求蠲部覆未允獨是逋欠八萬有奇將近歲額之半若責令一歲全納疲商勢必盡逃將來誰爲辦課請每年帶徵二萬餘兩則四年即可納足至於存庫引日銳銷解部以絕後來套搭部議允之

康熙九年十一月巡鹽御史席特納徐旭齡等題爲請停預徵以甦商累一疏言兩淮鹽法春夏行鹽秋冬納課原無計日催徵之例祇因康熙七年鹽臣差遣稍遲部議鹽差在任一日卽有一日考成遂於徵完本年課銀

外又徵新課其新鹽四月方掣新課卽於五月開徵鹽
尙未賣一引而課已催至二十餘萬此種追呼商人非
重利揭債卽典鬻赴比最爲苦累及查此項課銀前差
所徵仍入後差考成例於八九等月起解九十等月到
部是商人徒受豫徵之苦

朝廷並無豫徵之益官收一金商費數金年年套搭流害
無窮兩淮額課一百五十餘萬早徵於額不增遲徵於
額不減查民間地丁正賦尙禁豫徵商民法無二視伏
乞

敕部酌議將五十七日豫徵立行停止戶部議查前差兩淮御

史節年於五月內受事將一年額數錢糧俱按日扣算考成兩淮舊差御史甯爾講於五月內一年差滿又多住五十七日計日科算於一年額徵外將後差任內又徵銀二十三萬一千六百八十兩零作爲前差御史考核係厯差額徵不便更改奉

旨據席特納等奏稱豫徵原非舊例商民徵納法無二視等語爾部遽議不便是否相合著再確議具奏欽此戶部再議該御史旣稱豫徵累商應照舊例准令後差御史徵收

見互

德音門

康熙二十年冬巡鹽御史堪泰奉

恩詔將十七年戶科余國柱請加淮南北綱食鹽閏課十三萬九千三百七十四兩七錢零十八年御史郝浴所增甯國和含食鹽五萬六千引引壅課重俱行豁免

康熙二十五年奉

特旨停免十四年所增鹽課

謹按康熙十四年因吳逆變亂湖南用兵戶部等會題每引量增鹽課五分至是停止

康熙三十七年四月巡鹽御史穆書以口岸鹽壅課餉難辦題請停斤帶課將丁丑一綱停其每一引加二十五斤之鹽課銀分十年帶徵奉

旨將三十六年加斤之鹽暫行停止所停鹽課自三十六年爲始分作五年帶徵至四十年爲止嗣後停徵

康熙三十八年

聖駕南巡五月奉

特旨蠲免加斤銀二十萬兩

互見德音門

康熙四十三年八月江南總督阿山題請永禁浮費以甦商力一疏言兩淮鹽課甲於他省全賴商力充裕則課項不虧臣訪得應禁浮費共十三條一鹽院差滿之時賞給各差役銀一萬六千八百兩一鹽院差滿起行送遠近別敬共銀二萬一千六百兩一餽送官員及過往

程儀雜費等項銀三萬一千六百餘兩一鹽院書差每引帶鹽七斤收銀四分二釐計銀五萬六千兩一隔年未經過所殘引次年續過書差每引帶鹽五斤收銀三分約計銀五六千兩不等一書差隨費每引收銀一分六釐計銀二萬三千三百三十餘兩一書差飯食每引收銀八釐計銀一萬六百六十餘兩一書差重收梔封每引入釐共計銀一萬六百六十餘兩一北橋承差指守橋每引收銀一釐計銀一千三百三十餘兩一隔年殘引未曾過所至新院到任過所又復派規費一錢幾分不等一鹽每引額重二百五十二斤過所稱掣間有

多出鹽斤令商人納價並發倉堆儲勒贖變賣一新院到任需用向有力商家豫借每年因陞出利銀三四萬兩一每年新院到任於額設承差二十名之內點用一名名曰發收一任之內事無巨細皆係經手魚肉眾商以上十三條實係眾商不得已之費累併書差人等另立名色派帶鹽斤致鹽多壅滯商民交困仰請

嚴旨禁革臣卽欽遵勒石部覆應如所題會同兼管鹽政曹寅李煦勒石革除嗣後如有違禁從重治罪奉

旨允行

康熙四十四年閏四月戶部會同兩江總督阿山江甯巡

撫宋犂安慶巡撫劉光美兩淮巡鹽御史曹寅等題覆
未納鹽課分年帶徵一疏言淮商吳德玉等既稱私鹽
充斥以致官鹽有礙成本有虧請將緩徵銀兩分作十
年上納應將癸未綱未納銀四十三萬餘兩併入甲申
綱應徵銀內將一百二十萬兩於乙酉綱分作八年帶
徵其鹽價以時低昂不得勒定價值如有故意昂價累
民者將商人照例從重治罪

康熙四十九年二月戶部議覆織造巡鹽御史曹寅題水
滂爲災懇請緩運一疏先經曹寅於四十八年題稱江
南所屬地方霖霖不絕額定鹽引地方各官不能督銷

實積三十餘萬引初議厯年積欠一百十六萬六百餘兩至今尙未完清今又將此項三十二萬四千四百餘兩分作五年帶徵新舊廩和更難完納續據曹寅題稱厯年缺欠銀兩係遵奉

上諭令臣與李煦分作五年捐納臣等已於三綱之內納過六十九萬餘兩未納銀兩見在照依年分捐補新舊課銀決不至於屨和懇請將戊子綱三十餘萬引之課分作五年帶銷應如所題

康熙四十九年二月織造巡鹽御史曹寅奏兩淮從前厯年積欠四十二年蒙

款借帑一百萬兩四十四年臣到任將新欠具奏又蒙

恩准帶徵一百二十萬兩四十五年又令臣等於五年內每年帶還二十三萬今年方得清結臣舊年交代新舊存庫各課銀共三百一十二萬餘兩見奉部撥一百三十七萬餘兩仍存一百七十餘萬兩今年春秋二季或再撥五十萬則所存祇百餘萬兩若再多撥新課舊課同時督催商力不無困乏請將己丑一綱新課提分作五年帶納或將一綱課內止提起一百萬分作五年帶納則舊課卽可以督催而新課亦不至交混戶部議覆如所請行

康熙五十年兩淮鹽課缺額奉

旨自辛卯綱起於三年內帶完

康熙五十四年五月巡鹽御史李陳常題請分年帶運一
疏言兩淮癸巳綱前任鹽臣李煦任內實掣過五十二
萬六千餘引尙未掣一百一十五萬引臣到任後又運
過三十萬引仍餘八十五萬引請自乙未綱起分作五
年帶運部議定例先納課而後行鹽癸巳綱鹽課錢糧
已經交納應令新任御史作速造冊具題七月陳常又
題癸巳綱未運之引原未清納錢糧引目見存可據已
運引課及歷年存庫銀兩見俱實存俟癸巳綱造報之

日解部並無未清錢糧借端寬限臣實從清理鹽法起見甲午新鹽正當趕運若再行癸己綱八十五萬引必致遞壓不清況戊子綱成數可稽仰懇俯允庶鹽課無誤商力得紓戶部再議應如該御史所請准其分作五年帶銷

雍正元年十二月戶部覆准工部尙書李先復等查奏兩淮商人積欠銀一百三十五萬餘兩請分作三年帶納八十一萬一千四百餘兩今商人程庭等所交加根銀十三萬餘兩

兩江總督常鼎勅奏兩淮御史張應詔科派加根銀十三萬餘兩審勘非實商人卽

願以此項充餉遵

旨准其抵算除去外餘贍銀六十七萬一千五百餘兩仍令分作三年帶徵

雍正四年二月巡鹽御史噶爾泰題覆酌議加斤一疏言
原任兵部尙書盧詢條奏加鹽一案經前鹽臣謝賜履
題覆續經陞任侍郎李周望等議奏應自甲辰綱爲始
部覆所加之鹽可否仍以甲辰綱爲始或俟煎辦補足
後以何年爲始行令酌議具奏臣查癸卯綱自海潮淹
漫之後荷蒙

皇恩應蠲災竈蠲免折價又奉

特恩寬限奏銷及口岸鹽價隨時銷售竈戶得以復業各商得

以轉輸是以癸卯一綱鹽清課足依期奏報並無帶辦
併煎之處甲辰一綱自可按年完額請自甲辰綱爲始
每引加鹽五十斤俟一年之後果於商人有益

國課無虧卽爲定例永遠遵行如加鹽之後或有不能行
銷之處該年巡鹽御史再行題減是年五月戶部覆准
將湖廣江西江南上江等處所行一百五十四萬五千
一百三十五引以甲辰綱爲始每引加鹽五十斤

雍正十年二月兩江總督高其倬議奏兩淮鹽政伊拉齊
陳奏各款內帶徵規費一條言伊拉齊以甲乙丙丁戊
五綱各商未完鹽規引費銀四十三萬餘兩除各官己

收之五萬餘兩見今查追其餘未完銀三十七萬餘兩請分六年帶完先經大學士蔣廷錫議覆應如所請臣查此項商欠銀三十七萬六千六百餘兩有總商本名下拖欠者有散商實欠者均應於各總商名下催繳通完但於一年之內辦完正課及帶完各項銀兩之外再令全完此三十七萬餘兩商力一時實有不能應請如大學士蔣廷錫所議分作六年於庚戌綱起按年催繳如再有拖欠將承總之商革退治罪其各官已收銀兩仍於各官名下催追完繳戶部議覆高其倬所奏與蔣廷錫原議相符應准其自見在行銷之辛亥綱起攤入

正引徵收完報又議帶完正課一條伊拉齊以戊申綱一綱十年帶銷係前鹽臣噶爾泰題准惟商力困敝不敢不據實陳奏經大學士蔣廷錫議覆帶銷戊申一分每年正綱之外應徵帶完銀一十九萬五千餘兩商力未免艱難或將戊申一綱分作二十分每年帶完銀九萬七千五百餘兩稍紓商困是否可行請

敕下總督鹽政會商具奏臣議得除已庚二綱帶完銀三十九萬餘兩外仍有應完戊申綱八分正課銀一百五十六萬九千五百餘兩應分作十六年每年帶完銀九萬八千餘兩則各商更見寬裕部議戊申綱正課銀兩高其

倬等雖稱分作十六年帶完各商更見寬裕但浙督李
衛進京過淮據商人稟訴前議分作十年尙以引窩先
置成本耽擱爲辭若再分作十六年爲日更久非其所
願應行令署督尹繼善會同署鹽政高斌訪察商情度
量商力將戊申綱正課或應分作十六年或應分作十
年帶完之處悉心妥議一面奏聞一面辦理嗣於雍正
十一年二月經江南總督魏廷珍等題覆請仍照原題
分作十年帶完部議覆准

雍正十三年十一月管理兩淮鹽政布政使高斌奉

特旨因湖廣歉收漢口鹽壅將乙卯綱未完正額提出分年帶

徵其乙卯綱內應帶運口岸之鹽亦免帶運

雍正十三年十一月和碩莊親王等議覆署副都御史陳世琯奏言鹽課引有定額斤有定數按引辦課未必定有奇贏卽獲微利亦何妨留與商人裕其資本乃近年多有以隨利歸公者且狡詐之徒仍於暗中令商人重出故在官多一分之歸公在商添一分之誅求此商受其弊者也又有以捐助題請者名曰急公實則暗諭商總勒令公派及項無所出非拖欠引綱卽暗增引斤或高擡鹽價此國與民並受其弊者也請嗣後祇是按引辦課但令綱不拖壓課不虧欠便屬稱職一切歸公捐

助等虛名永行停止查鹽規既已歸公止應如數完納
豈得復於歸公之外勒索病商應如所奏嗣後倘有不
肖官員暗勒商人重出以飽私橐者許該商控告治罪
並令該督撫鹽政時加訪察違者參處至所奏捐助一
事見奉

諭旨禁止官吏勒派並將督撫失察及徇庇者均照例分別處
分嗣後鹽政等官倘有借名捐助而暗諭商總勒令捐
派者該督撫卽將該鹽政等據實題參如督撫有失察
徇庇將督撫一併議處

乾隆元年十月兩淮額徵公務薪水一項欽奉

恩旨永行停止並將從前已酉庚戌兩綱未完銀兩悉行豁免
乾隆二年四月巡鹽御史陞任河南巡撫尹會一奏今冬
挑濬淮陽運河欽奉

諭旨先事綢繆豫運鹽斤堆儲儀所鹽垣歷夏經秋多有滷耗
此係已掣之鹽有虧商本據運司議詳按過所先後於
掣掣之時量加滷耗六月以前每引加鹽二十五斤七
月以前加鹽二十斤八月十五以前加鹽十五斤八月
十五以後加鹽十斤如此分別酌加商人可無虧折之
虞自必趕運恐後其正運引鹽原係隨掣隨運概不加
增滷耗部議如所請行

乾隆六年五月鹽政準奏江省自春徂夏陰雨連綿兼之正二月間築壩挑河運楚引鹽未能足額目下天晴臣檄飭運司督商趕運各處口岸可無斷續之虞惟是淮南引鹽原係漕煎旋煎捆火氣未除易於瀉漕當暑尤多折耗是以前任鹽政自五月以至八月量加漕耗每引自十五斤及十斤五斤不等茲當仲夏正炎蒸淋漓之時在船在垣均多消耗往往額斤不足商本有虧臣見在循照向例於五六兩月每引加耗十五斤七月加耗十斤八月加耗五斤至九月秋涼停止奉

旨允行

乾隆六年十一月鹽政準泰奏江甯府屬上元江甯二縣額行淮西食鹽五萬三千六百十二引揚州府屬江都甘泉二縣額行淮南食鹽二萬六千七百一十引又自雍正七年起有帶行戊申綱引鹽自乾隆二年帶完又有帶行乙卯綱引鹽近年商困難行經臣題請將本年辛酉一綱分作十年帶運並免運乙卯帶鹽一分以疏積引所有兩綱課餉俱照例帶徵部覆以與例不符未准伏查上元等四縣濱臨大江巡緝稍疏私販透漏兼有場竈貧民肩負零鹽遂致官引壅滯且銷售之遲速視乎年歲之豐歉乾隆三年四縣鹽引壅滯臣自抵任

卽於奏銷前催完己未一綱殘引半年之內接催庚申
綱各商竭蹶已甚今年上江等處又有偏災庚申綱奏
銷將屆尙有未完四萬餘引辛酉一綱全未掣運臣查
運到口岸之鹽見多堆積若再峻法趕運則銷售愈難
商本愈乏是以前題請帶運辛綱免運帶乙實出萬不
得己之調劑今己部議不便通綱互異仍應令四縣商
人將乙卯一綱引鹽照例帶行不得停運至辛酉一綱
見今口岸旣多存鹽庚申綱尙未完報轉瞬卽屆壬戌
綱起運更有帶乙一分誠恐商乏而課亦難清仰祈

恩准將四縣辛酉綱未完課額提出分年帶徵並免其行運以

爲疏銷殘鹽之地明年卽令運壬戌新綱以副年銷年額其帶徵年分查乙卯綱係自乾隆五年起至己巳年帶清應令該商等將辛酉綱課額本年先行勉力完納二分其餘八分自壬戌年起每年帶徵一分亦至己巳年帶清復經戶部議駁奉

特旨上元等四縣既有偏災且帶運乙卯一分之鹽又辦納辛酉新綱之課商力未免拮据照準泰所請以示朕優恤商人之意欽此

乾隆十三年鹽政吉慶奏兩淮綱食引鹽近因蒲草歉收包索減輕鹽斤虧折仰請量予加增俟蒲草廣產奏聞

停止奉

恩旨准於綱食引鹽原額外每引增給十斤欽此

乾隆十三年二月鹽政吉慶奏臣先於乾隆十一年閏三月以淮北綱食引鹽夏秋滴耗仰懇

聖恩照淮南一例分別酌給耗斤部議淮南因乾隆二年挑濬運河豫備鹽斤存儲日久不無虧折是以分別酌加滴耗其正運引鹽未有加耗之例應無庸議臣查淮商自場買鹽運岸實多滴耗而夏秋尤甚是以前任鹽政於淮南引鹽自五月以至八月量加滴耗每引自十五斤及十斤五斤不等雖向係如此辦理但未奏明迨準泰

任內始將五六兩月每引加耗十五斤七月加耗十斤
八月加耗五斤至九月停止循例酌辦情由奏明奉
硃批允行在案臣自奉部議之後查卷始知準奏未經鈔摺報
部無怪部臣有淮南正運引鹽未有加耗之例淮北不
便援引也今臣一再查察淮北引鹽與淮南事屬一轍
準奏既已奏明於前臣何敢擅給於後況淮北商力較
薄伏乞

聖主一視同仁俯准加給耗斤除五月分中河水淺尙未運掣
毋庸議給外請於六月每引加耗十五斤七月每引加
耗十斤八月加耗五斤俾商情倍加踊躍奉

旨允行

乾隆十四年二月長蘆鹽政麗柱奏以大軍凱旋請照康

熙十四年之例蘆東每引增銀五分請

敕令兩淮兩廣河東浙江等省一體按引增課奉

特旨不准行

謹按優恤一門志法外之恩卽以立恩中之法故減課以准爲恩加課以不准爲恩此奏未蒙

允准正見

聖主體恤商情無微不至之意事雖不行仍當錄載

乾隆十四年十月鹽政吉慶密呈商悃一疏言江省官商

士庶望

幸有年今聞

屬車將蒞莫不歡欣鼓舞所需之費商願樂輸惟是商情固不可遏商力亦所宜籌查淮商於敬籌湖河蓄洩機宜案內有每年應捐還挑浚鹽河之款又公捐生息及捐還川餉并揚商在湖廣江西報捐各項仰懇

聖恩暫緩二年續後捐補奉

旨允行

謹按敬籌湖河一項係乾隆十年商捐銀四十八萬分八年帶捐生息一項係十三年公捐本銀十萬兩

川餉一項係十四年公捐八十萬分四年帶捐

乾隆十五年正月鹽政吉慶奏請將商人豫備

南巡恩賞兵丁銀兩交商營運以一分五釐起息奉

旨著加恩以一分起息是年冬商人豫運辛未綱鹽抵所接濟
明年江廣諸岸民食祇候嚮導肅清

御河奉

旨將所運鹽每引加耗二十斤欽此

乾隆十六年二月

聖駕南巡兩淮商眾踴躍急公捐輸報效

加恩按本身職銜加頂戴一級又奉

旨將兩淮綱食鹽於定額外每引賞加十斤不在原定成本之內俾得永遠沾受實惠欽此

乾隆十六年五月鹽政吉慶等奏丁卯戊辰己巳三綱概照貴價部追多賣價銀懇

恩免追再庚午綱亦因上年無餘賸之鹽本年又復歉產包索人工河運盤駁成本實重一疏戶部議覆庚午綱照貴價銷賣丁卯等三綱該處並未報災統照貴價行銷未便免追閏五月初三日奉

旨免其追繳欽此

乾隆二十一年閏九月鹽政普福奏明春

南巡淮揚運鹽船隻先期於今年十月內預運四十餘萬引堆
儲儀所奉

旨照十六年之例每引加耗二十斤欽此

乾隆二十二年春恭逢

聖駕南巡欽奉

恩旨自丁丑綱爲始兩淮綱鹽食鹽每引加賞十斤不在原定
成本之內以三年爲限又奉

旨商人職已三品者恩加奉宸苑卿銜未至三品者加頂戴一
級欽此

乾隆二十七年恭逢

聖駕南巡二月十四日

駐蹕揚州欽奉

恩旨自壬午綱爲始綱鹽食鹽每引加十斤以二年爲限不在原定成本之內是日眾商

恩加職銜各有差

乾隆二十七年六月鹽政高恆奏請鹽船盜賣爬搶准其補運一摺經戶部議駁二十八年四月高恆又奏臣查商人因淹消之鹽例得補運而被搶之案不獲一視同仁匪徒無所忌憚商所船戶勾串爲奸皆由此起所以臣上年奏請被搶之鹽准與淹消一例補買商人既得

補運無所用其捏報在有司得據實審究上司亦查察有據至慮不肖商人自行售賣漁利查被搶之鹽即使追出亦變價充公於商人毫無所得再商鹽途次被搶非應銷之地一經搶去散而爲私則應銷口岸已少此一分准其買補始不至有缺民食斷無違礙之處應請嗣後仍照臣上年原奏辦理奉

旨下部議覆准行

乾隆三十五年

聖駕奉

皇太后巡幸天津淮商赴津祝

釐奉

旨給還提引案內原革職銜又將提引案內限十年完繳銀一千餘萬兩

加恩於限滿外再展六年

謹按提引之名始於甲戌乾隆鹽志內載乙卯提綱分年帶運諸案乃帶銷已前未銷之引至二十三年戊寅又經提綱係將一綱引目提統應繳課銀分綱帶徵則帶納已前未納之課迨提甲戌一綱則自丁卯綱起每年帶運二三十萬引乃豫提引目之始其後甲戌運完每年豫提請運至三十三年倒追餘利

均以甲戌爲始分十年完繳至是年始蒙

恩旨展限復於三十六年十一月內再蒙

天恩展限三年四十五年

翠華臨幸揚州又奉

恩旨將庚子年應完二十七萬六千餘兩展限遞緩一年繼於

四十七年鹽政伊齡阿又奏請展限奉

旨將未繳銀三百八十六萬六千餘兩豁免二百萬兩又於四

十九年二月

南巡全行豁免詳見提綱

乾隆三十五年鹽政尤拔世報銷三十三年辦理常貢銀

兩經造辦處估對貢物核減銀五千五百餘兩大學士
傅恆等面奉

諭旨以尤拔世貢物係交商承辦若著令賠繳尤拔世勢必仍
令商人按數補解又致累及眾商著加恩免其賠繳復經大
學士傅恆等奏減掛屏等九項銀二千五百餘兩於冊
內開除著鹽政自行解繳不得派累眾商又請裁革鹽
政赴京及巡視各處盤費陋規及給還該鹽政所繳廉
廉八千兩又於養廉定額外添給銀四千兩令其自行
辦貢不得假手商人其巡鹽及進京盤費不得私行派
累奉

旨依議欽此

謹按兩淮鹽款雜項內每年提出銀四萬八千兩名
曰外支內一萬二千兩辦理常貢乾隆三十二年併
歸陋規銀一萬七千餘兩統入外支合計銀六萬五
千四百餘兩爲每年常貢交辦之用又另有外支不
敷銀四萬兩專爲製造玉器之用均於年終造辦處
核銷自是年奏定後交辦之用在外支一項玉器之
用在外支不敷一項

乾隆三十九年八月鹽政李質穎奏稱本年淮北被水成
本有虧請將甲午綱未完正課銀二十七萬五千餘兩

分限五年帶完計每綱帶完五萬五千兩奉

旨准行四十年十一月鹽政伊齡阿復疏北商資本素薄本年
接辦乙未新鹽加以帶納舊課實深竭蹶除已經乙未
帶納過甲午銀兩其丙申以後四綱共應帶完銀二十
二萬餘兩請再予展限四年分作八年完繳經戶部議
駁續奉

特旨准行

乾隆四十五年二月

聖駕南巡奉

旨豁免兩淮眾商川餉未繳銀一百二十萬兩

乾隆五十年交辦活計工匠飯食之費奉

旨准其在每綱外支不敷銀四萬兩內動用毋許捐辦

乾隆五十年二月鹽政全德奏今歲恭逢

皇上舉行千叟大宴兩淮總散各商江廣達等情願恭進銀一

百萬兩奉

旨以六十萬帶完滯課以四十萬交商領借欽此

一道恭載上諭

音德

乾隆五十八年七月鹽政巴甯阿奏據兩淮商人洪箴遠等稟稱通河商眾額定正雜錢糧之外有分年帶課不入成本計算者如五十五年銃銷食鹽五十七年銃銷

綱鹽又節次公捐等項按年帶完與正雜一同交庫帶課既多資本較重懇念商艱將兩案統引錢糧並節次公捐借撥等銀三百六十九萬餘兩奏乞

天恩統展十綱自甲寅年起分作十年帶完以紓商力欽奉
俞旨嗣後不得援以爲例欽此

乾隆六十年戶部議覆鹽政蘇楞額奏請淮北乏商退岸所懸之引加派見商帶運引多商少資本不支請自乙卯綱始以四併引灑帶一併引每包於額斤之外加入一百八十二斤俾各商本名加派之引同時併運其灑帶之鹽按斤合引完納錢糧以節水腳而免積壓應准

所請令淮北商人試行三年如有成效再行核議嗣於嘉慶三年鹽政徵瑞疏稱淮北乙卯綱起至丁巳綱已歷三年加派併運商力已舒著有成效請將淮北引鹽加斤灑帶卽爲定例經部議覆雖屬暫時便商經久恐有難行且一爲定制日久徒滋夾帶透漏不可不防其漸應如原題仍予試行三年如果引銷課清再行奏明爲例嘉慶六年鹽政書魯復請展限試行三年嘉慶十年鹽政佶山奏四併引帶一併引運本仍未大省仰懇以三單引併爲一包運行則捆工等項更得節省自乙丑綱起按包捆運試行三年再請定例經部覆准既有

成效自前節以此次所請加包之數作為定額無庸復
展試行嗣後亦不得再有增加奉

旨議欽此

詳見引
日學驗

嘉慶二年十二月鹽政徵瑞奏淮北本年丁巳開綱已經
數月請運無幾查緣去歲及今黃水兩次漫工運道稽
阻請照乾隆三十九年甲午綱淮所被水引課緩帶之
例將丁巳綱引鹽先行趕運應完正課銀四十四萬餘
兩自戊午起分作八綱扣收經戶部議覆甲午緩帶亦
止予限五年嗣因竈地被災加展未便援以為例應自
戊午起分四綱帶完奉

旨允行

嘉慶七年九月湖廣總督吳熊光兩淮鹽政佶山奏准鹽運至漢鎮賣與湖北湖南兩省水販轉運各府州縣分銷向係隨到隨銷本無封輪之例嗣於乾隆五十六七一年間到岸鹽船較多擁擠待售遂有岸店賣商不顧場商成本惟圖轉運迅速跌減價值搶先售賣甚至賒欠拖延以致各商虧本辦運觀望引多積滯鹽政全德飭行湖北鹽道酌議章程按照鹽船到岸先後由該道驗明查封挨次提開毋許爭先搶跌以固商本倘遇鹽少之時誠恐水販守候有誤接濟仍准隨時銷售迄今行

之十年商民均無窒礙洵屬兩有裨益惟恐今昔異宜
覆加訪察封輪挨售本爲保固商本非由抑勒需索其
各商賣價悉係照依奏定價值出售兩省水販咸知定
價不能私自加增各商辦運情形亦無今昔不同之處
至於水販轉運所加運腳餘利時加督察亦無擡價病
民所有漢岸原定封輪售賣商鹽應請仍照舊章辦理
奉

硃批既無妨礙不必更張欽此

兩淮鹽法志卷一百三十九

兩淮鹽法志卷一百四十

優恤門

恤商下

嘉慶十年十二月兩江總督鐵保奏兩淮本年通泰各場風潮陡發竈鹽歉產蒲草水淹包價驟長成本較重請於商人辦運綱鹽食鹽每引三百六十四斤之外再加鹽十斤不入成本商人得以多賣盈餘償其不足於民食鹽政兩有裨益戶部議覆查乾隆十六年因

高宗純皇帝南巡

特恩優恤商人未便援以爲例乾隆十三年因蒲草歉收奏准

加斤仍聲明俟蒲草廣產卽行停止是因蒲草歉產議令加增原不得著爲定額今該督旣經遵

旨籌議商民兩便之法奏請加斤臣等酌議准其自丙寅綱起暫加三年將通綱鹽引每包酌加半斤不入成本俟三年後卽行停止核計該商等所得餘利已足彌補從前虧折奉

旨依議欽此

互見引目

嘉慶十三年夏洪澤湖大水場竈被淹鹽政阿克當阿奏請緩停加斤奉

旨俞允

道光二年八月軍機大臣等議覆鹽政曾煥查議御史條陳一摺據奏該御史所陳庫儲宜裕近年運庫銀項無存奏銷虛報等語臣等查兩淮近年各口岸銷數疲滯引多積壓而每年應需動解之款不能因引積停支入少出多輾轉撥墊及遇撥解緊餉臨時催商湊集因有趕納預納之名至奏銷例有定限而綱引牽前搭後歷久皆然勢不能一年之中適竣一綱之引疊經奏咨有案其相沿以全完造報不知始自何年可否

恩寬既往整飭將來查運庫款項輻輳已深業經奏請立限清查所有積引數目與懸欠各款是否相符商領辦公有

無冒濫革除趕納等項名目臣督同運司悉心查辦以期徹底澄清並嚴飭各商趕緊請運新鹽殘鹽以清額課其每綱科則向來連捐帶各款總在五兩內外從無輕至三兩有餘之事見經確查支款大加裁汰卽科則減輕請運自速庫儲當可漸充等語臣等伏查淮綱科則銷鹽引例應按年照額全完近年因口岸銷滯引積課懸以致款項撥墊輾轉日深今該鹽政旣經奏准立限一年清查庫儲其歷年積引數目及懸欠各款自應歸入清查案內遵照奏定年限分別核明辦理又稱連捐帶各款總在五兩內外從無輕至三兩有餘之事一

節查例載兩淮鹽課每引配鹽三百六十四斤按引核計每引正課銀八錢三分零至一兩一錢七分零不等今稱每引五兩內外是竟加至四倍雖雜項並不報部要之雜浮於正焉得暢銷應令該鹽政再大加裁節究竟每引可減至若干並將何以雜項轉倍加正之處查明具奏奉

旨依議欽此

道光八年二月鹽政福珠隆阿奏兩淮立法之初課則本輕成本亦賤商人獲利較豐迨後帶交漸多成本漸重商人不能稍沾餘利漸至裹足不前則岸銷因之愈絀

因缺銷而積引因積引而積課迨至引課交積銃賠展帶成本增重轉運愈艱前任鹽政張青選於上年奏明清積展新案內請將殘引趕於六月運竣丙戌綱展至戊子二月奏銷並因綱限遞遲一年聲明俟灑帶戊寅完竣抽出辛卯一綱再分十年帶運以復年額乃計算月日僅止十五六月以十五六月之期欲銷三百數十萬之引事本難期以致新殘雖請運過二百餘萬引而見在未運各引尙有一百數十萬道是勉副一年之額尙積一綱之引況帶運戊寅一分尙未完竣卽帶完之後又帶辛卯一分年復一年帶而又帶愈形支絀查兩

淮額解正雜各課及內外帑利優價共計四百餘萬兩
自嘉慶十二年起至道光六年止統計二十年之中其
解過內外餉銀八千一百數十萬兩均勻牽算每年亦
祇四百餘萬兩其餘商捐之項係將正雜錢糧墊撥均
在此數之中卽加價亦併計在內較之常年應解之額
並無增多蓋課從引出引藉商運每年運引祇有此數
商力納課亦祇有此數乃近年額課四百餘萬之外又
加清查案內帶款一百數十萬兩而帶引融引各課亦
復每歲加增迨至上年加價商捐同時並舉核計丁亥
一年解過新舊正帶內外各餉及加價商捐共銀六百

萬兩不特較常額爲多且爲二十年來所僅有是以商
力極疲庫儲愈絀輾轉設法幾至無可挪墊而見計欠
解內外正雜各款尙有六百九十餘萬兩是雖解逾一
年之額乃因挪墊而占開解款又因帶款而稽遲例課
溯道光二年清查四千數百萬兩經分綱帶徵數載以
來口岸旣不能年額年銷則庫支仍不能各歸各款況
從前奏明懸墊九百數十萬除將解款畫抵外不敷銀
三百數十萬兩分甲申五綱歸還見尙有丙戌丁亥戊
子三綱未歸銀一百五十餘萬兩仍屬挪墊套搭之根
茲丙戌銷未及半丁亥尙未開綱則兩年之歲支雜項

萬不能待綱竣開支計又墊支銀二百二十餘萬兩統計新舊懸墊銀三百八十餘萬兩見在戊子年分仍須墊撥不特懸墊之源未清卽懸墊之流亦不能截此引與課交積卽商與庫交累而懸墊勢難截清之情形也逐日督同通司傳集各商公同集議茲據運司鄭祖琛詳據淮南北總散各商稟稱兩淮因積引遞壓辦殘引卽不能辦新引是以引目不能年銷年額應請將淮南丙戌半綱丁亥一綱及丁亥以後灑帶戊寅各引並淮北乙酉殘引及丙戌丁亥兩綱引目全行鈐銷情願賠課自戊子年起專辦戊子新引如本綱積有積贖卽於

當年賠完錢糧其中淮南之江西甯國上江等岸引銷
疲滯淮北道遠運艱商力尤乏若俱照舊運引恐致仍
有積壓應請將江西甯國上江分別七八折行鹽完納
十分課項淮北改三引爲四引併包止完正課以清課
則而省運費所有江西等岸賠折引課及淮北雜款均
歸淮南通綱代還限以五年歸復十分運引之額如此
則引目必可年額年銷不致再有壅積又兩淮因積欠
餉銀爲挪墊歲支占閣套搭以致前欠清而後欠又積
是以正雜各款不能年清年款應請將前後挪墊歲支
各款於欠解積餉內畫抵清楚入於賠課項下分年帶

徵帶解戊子年專辦戊子新綱一切正雜錢糧按期起解則課項年清年款可無絲毫拖欠至應賠見請統引懸墊欠解各款錢糧及清查案內舊欠如仍照歷年展帶各案卽於見綱起徵分帶成本愈形喫重恐蹈有名無實之故輒應請俟五年復額後於癸巳綱起將前項分十綱帶完其清查案內舊欠各款於癸卯綱起接續起徵仍照原限分二十七限帶完如此再無絲毫轉轉新章永守舊病減除其辛卯綱引毋庸提出分年帶運等情由司詳請核奏前來臣覆查歷屆統銷之案皆因祇籌已往未計將來以致旋統旋積賠累徒滋今定爲

年銷年額之法江西等滯岸旣已折減運引淮北又增引併包省費斷不致再有積滯設或稍有尾零存積卽於綱竣時隨銃隨賠不使帶入新綱旣可綱隨年清亦復課隨綱足要非從前徒請銃銷者可比再四熟籌莫若徹底清釐將以前積引全銃讓出地步俾得專辦新綱引課其應繳見請銃賠及挪墊畫抵積餉並清查案內舊欠各款寬以年限再行分帶藉復元氣以廣招徠核計每年仍有實課四百餘萬兩應解無虞支絀而此外加價一百數十萬兩雖係取之於民亦從引鹽所出是較之二十年來解數實有多餘於

國課商情均有裨益奉

旨軍機大臣會同戶部議奏旋經軍機大臣等議奏該鹽政所請實係格外邀

恩臣等未敢擅便伏候

欽定旋奉

特旨俞允

道光十年十二月戶部尙書王鼎侍郎寶興兩江總督陶澍會奏淮南北商人負欠纍纍前後不下四千餘萬業於連次清查銃引案內奏明分綱帶補見在尙有清查未經奏出者此項積欠爲數甚鉅若卽按綱帶徵仍啟

套搭之根無從畫清界限占礙新綱地步應分別停緩俟將來課款充裕時再行歸補以免牽制奉

上諭照所議行欽此

道光十年十二月尙書王鼎侍郎寶興兩江總督陶澍會奏兩淮正雜錢糧本係按綱徵收而外支各款則係按年支用如能一綱之鹽年額年銷則運庫支解自可年清年款無如口岸滯銷以後一綱之內均不能銷足一綱之引正課則統綱分攤而雜支款目必須按年支發勢不容緩數十年來庫款之前後套搭挪墊糾纏以致疊次清查虧短銀數千萬之多其弊皆由於此自道光

二年清查本有積欠銀三千六百八十七萬餘兩奏請展至道光二十三年起分綱攤帶復於道光八年丙丁統引案內又查出積欠銀一千一百七十五萬餘兩除戊子己丑兩綱解過甘餉銀二十五萬兩尙有庚寅綱起應解甘肅餉銀八十萬兩甲午綱起分解各衙門銀一百二十萬兩其餘九百五十萬二千一百餘兩係自道光十三年起分十綱帶徵亦經奏明在案上年經前鹽政臣福森奏請立限清查截至道光九年十月初一日止查出墊占銀七百七十九萬七千餘兩除分別歸補撥抵外實欠銀四百九十九萬餘兩除在外支銷銀

二百六萬餘兩實欠正雜各款銀二百九十二萬五千餘兩今已丑綱自九年三月開綱起至本年十月止已完七分應徵正雜錢糧四百二十萬一千餘兩除解支過銀三百六十萬兩計應存庫銀五十九萬餘兩已爲庚寅綱外支各款借用又借用戊子等殘綱銀三十六萬餘兩是庚寅尚未開綱而本年應支緊款已挪墊己丑等綱銀八十餘萬兩見在十一十二兩月仍有應支緊款約在二三十萬此前後套搭實情鹽政臣鍾靈所奏庫儲墊占全空者職此之故卽如前淮關監督臣恆棨所奏欠解關鈔銀一萬七千五百兩戊子綱欠解三

季銀七千五百兩係已入清查之款己丑綱欠銀五千兩因本綱之引未經銷完是以不能全解庚寅尙未開綱是以欠銀五千兩皆因鹽壅滯銷無計可施是以積欠累繫此外各省帑息匣費懸欠未解之款不可枚舉非止淮關一處卽庚寅己丑餘引尙有未支銀一百餘萬兩係在清查以後以上各款除道光二年清查積欠銀兩展至二十三年帶徵外所有丙丁銃引案內欠解正雜及鹽規匣費帑利等銀共一千一百餘萬兩前限於道光十年十三年十四年分綱帶攤各項又上年清查欠解正雜及鹽規匣費帑利等銀二百九十餘萬兩

及本年外支墊占銀九十餘萬兩皆係歷年以來鹽墾課帶糾纏墊占所致茲當整頓伊始若再仍前敷衍留此虛名必致又套入辛卯綱內展轉騰挪則前欠未清後虧踵至不惟無補既往並難期效於將來計惟有將前項積欠同庚寅未行綱引及己丑未完之三分一並暫緩攤帶俟將來鹽引暢銷再行分綱帶徵應請自道光十一年正月辛卯開綱日起截清前積以斷葛藤此外另有未銷印本一款係積年因解餉急需有預納減納貼息等名目由商貼用運庫給與用印手本准其通融抵課致成懸款多占一分抵納之銀卽暗虧一分見

綱之課前鹽政臣福森議於己丑庚寅兩綱徵帶以完舊虧而補見課除己丑已徵完銀六十萬兩仍未徵完銀九十餘萬兩此項雖係套搭不得不循案歸補惟銀數必須稍緩毋許占礙新綱應於辛卯壬辰癸巳展分三綱攤帶以清宿累旋經戶部議前項銀五千餘萬分別停緩自道光十一年辛卯綱起截清前積應將历年積欠銀兩核明確數造冊送部並將辛卯綱應徵銀數一併造冊先行送部奉

旨依議欽此

道光十一年四月兩江總督兼兩淮鹽政陶澍咨覆戶部

據運司詳兩淮應徵正雜課款按照額數辛卯綱淮南
北該徵入奏正項鹽課等銀一百八十萬一千五百十
五兩六錢五分九釐又雜項織造河餉銅斤引費等銀
三十七萬七千六百八十兩其向不入奏京外各衙門
利息並外省各衙門鹽規匣費及專案報解節省等款
例係分晰內外各衙門隨時徵完報解向不核入奏銷
計考前因道光八年統引案內奉部議令除入奏銷銀
二百餘萬兩仍依限造報外其不入奏銷之款分爲上
下兩半解清並將各款起解日月隨同奏銷造冊報部
嗣戊子綱奏銷案內奉部飭查已未完解銀數於道光

十年四月前鹽政福奏准嗣後帑利鹽規匣費等銀仍
循舊章隨時徵解免其於奏銷時隨同造冊報部今辛
卯綱來年奏銷應卽遵照分別造報催徵完解遵將入
奏正項雜項銀款繕具清冊呈送咨部又奉查歷年積
欠銀款內道光二年清查扣留解款盡抵懸墊未完銀
二百五十九萬四千五百六十兩八錢八分二釐於道
光八年丙丁銃引案內推展至道光二十三年二十四
年癸卯甲辰三綱帶徵又道光二年清查案內未完借
款七百七十二萬二千二百七兩八錢八分八釐於道
光八年丙丁銃引案內推展至道光二十五年乙巳綱

起至己酉綱止分五綱帶徵又道光二年清查案內未完帶捐二款銀二千六百五十五萬四千二百八十一兩五錢九分七釐於道光八年丙丁銃引案內推展至道光三十年庚戌綱至己巳綱止分二十綱帶徵以上共銀三千六百八十七萬一千五十兩三錢六分七釐此卽原奏聲明展至二十三年起限帶徵之款應請仍照道光二年清查案內造呈銀款原冊俟屆限遵案分年帶徵報解外又道光八年丙丁銃引案內扣留解款畫抵歲支懸墊未完九年己丑綱至癸巳五綱部庫項下銀一百萬兩又十四年甲午至十八年戊戌五綱未

完戶部內務府並外省各衙門銀一百二十萬兩又十三年癸巳綱至二十二年壬寅十綱未完丙丁統引案內賠課銀九百五十萬二千一百十七兩二錢四分四釐其銀一千一百七十萬二千一百十七兩二錢四分四釐此係原奏聲明道光十年十三年十四年起限帶徵之銀款今查己丑至癸巳五綱帶徵戶部項下撥解甘肅餉銀一百萬兩除已徵解過己丑綱銀二十萬兩仍該銀八十萬兩因庚寅一綱停運無引可徵所有庚寅少解甘肅餉銀二十萬兩是否飭行改撥抑遞緩一綱徵解前經詳明咨請部示辦理今自辛卯起仍分四

綱照案帶徵八十萬兩外實未完銀一千七十萬二千一百十七兩二錢四分四釐又道光十年奏明清查墊款占欠未解戊子等綱積餉銀二百九十二萬五千二百兩七分四釐同續奏清查庚寅歲支墊款占欠未解己丑年正雜各項餉銀八十七萬二千八百七十一兩一錢七分七釐一併議俟將來鹽引暢銷後察看情形再行具奏分綱帶徵之銀款見已另案造冊詳請咨送戶部查核又道光九年己丑停運引內未完應報正款引課等銀六十四萬二千一百九十三兩四錢七分七釐雜款等銀十二萬五千一百十四兩四錢五分三釐

庚寅全綱引鹽停運未完正項引課等銀一百八十萬
一千五百十五兩六錢五分九釐雜項等銀三十八萬
八千二百六十六兩五分六釐另遵加鹽一百斤帶徵
殘課案內分辛卯等綱先徵正課完清後再行接徵雜
款今將已庚未完銀款開造清冊呈送咨部查核又奉
查附儲各項官商未完銀款截至道光九年十月初一
日清查日止官欠項下該銀十一萬三千七十二兩六
錢八分內有通泰所屬各場未徵戊子己丑綱規費銀
五萬二百三十七兩六錢三分向按各商重鹽徵收解
庫以爲支銷鹽屬各員養廉應仍循案催徵辦理其餘

銀六萬二千八百三十五兩五分內有各場員欠繳節年頒發各項書籍工價及外捐挑河夫工並墊發淮北收買竈鹽等款有見在未領養廉等款可以分次扣繳者及離任之員見已詳咨原籍追繳者均經分案切實清理又商欠項下有捐挑場河夫工各商領銀後停工未辦應行繳庫歸款及淮北各商節年請領調劑運本水腳等銀共計未完銀一百四十五萬四千五百三十一兩四錢六分二釐內有已故之商見在查明房產變抵並有扣收領款作收抵完者至北商借領調劑等銀前有定限八綱十五綱完繳者其原借之銀係嘉慶十

三年奏明南商協濟淮北運本五十萬兩款內及嘉慶
二十五年奏請協濟淮北運本一百萬兩款內先後借
出原案准其輓轡借領繳還附庫以爲永遠協濟北商
之用又通泰二屬場借領收買場鹽並借領運本未還
銀十四萬一千九十七兩三錢一分四釐係從前外捐
存庫生息貼補漢岸宜昌工鹽運腳辛工原存款內借
出之項見在按照各商重運引鹽完繳及分別定限催
繳完庫又專商借領運本未還銀十二萬三千六百十
八兩二錢四分七釐係前綱繳還息本及續發章京被
褥生息本銀款內借出見亦分別定限催繳又已由岸

墊解各商未完銀三萬五千四百三十兩四錢八釐內
係道光四五年發交皮張變價及嘉慶十九年二十
五年繳贖未完錢斤變價並墊發淮北場河壩工又開
挖瓦窑鋪新河工費銀款又未經墊解未據完繳各款
銀六萬三千二百五十三兩六錢一分三釐內係道光
七年公捐挑辦淮北場河工程等銀俟按數催繳完庫
分別歸款轉解又各商承領變價未完銀三十六萬五
千三百九十一兩六錢五分內係道光六七兩年錢斤
變價七年東珠變價七八九年皮張變價等款見在均
已分案嚴勒差追俟分次繳庫起解又奉

旨追賠未繳銀三十二萬六千二百五十兩此係道光二年各
商欠繳罰賠己庚銀款案內原該銀四十三萬五千兩
分癸未甲申乙酉丙戌四限完繳解部之款除繳解過
癸未一項仍該甲乙丙三限銀兩見在嚴勒催追報解
又淮南北各商未完加賣鹽價銀三萬三千一百六十
兩九錢一分三釐係道光六年加價三釐案內因各口
岸未售殘鹽應繳加價銀兩除在前已完入報外此係
未完之數見在催追完繳容俟歸入停止鹽價案內分
應徵應免銀數另案造冊詳咨辦理又各商節年借領
閑雜各款共銀一百二十三萬七千五百五十八兩九

錢七分九釐此係各商每年例領七十萬兩不敷辦公
節年另請公借之款原據議分癸巳起三十七限完還
因年分過遠見亦嚴飭另議分限歸還又奉查未銷印
本一款查此項印本原奏聲明係積年因解餉急需有
預納減納貼息等名目由商墊用運庫給與印本准其
通融抵納致占見綱之課除己丑已經徵還銀六十萬
兩仍未還銀九十餘萬兩不得不循案歸補應於辛卯
壬辰癸巳分三綱攤補等因蓋緣每綱運引不能依限
全清則應徵之課卽不能依限徵足一遇撥解緊餉或
攢辦奏銷飭令商人趕課名爲預納或因完數過重緩

徵雜款名爲減納或遇商人竭蹶挪借在先虧賠月利
據稟詳明由庫加以貼息原爲鼓勵趕課之商而設所
減之銀卽加入下綱攤還初爲一時權宜之計年復一
年運務未有起色印出手本未能銷完應補之銀未經
攤還是以見在尙有未銷印本率皆此等名色必須將
減貼之數分綱歸補以應各商抵銷不致虛占新綱課
款以清宿累今辛卯綱已將一切浮費大加裁除正爲
減輕科則核實徵收革除前項預納減納貼息名目此
後不得又蹈前轍挽復舊規今將己庚兩綱未完銀款
及辛卯綱應徵課款開冊呈送核咨等因合行咨部查

核

庚寅綱未完銀款

未完戶部項下

南北入奏入考正項一百八十萬一千五百十五兩六錢五分九釐南北織造滷稅二十二萬七千六百八十兩裁撤武職鹽規一萬五百八十六兩五分六釐宗人府利三萬九千兩宗人府續發利二萬三千四百兩八旗生息利六萬五千兩節省船價車腳騾價等銀約一萬兩共二百二十萬一千一百八十一兩七錢一分五釐

未完內務府項下

銅斤引費減半餘平銀十萬兩賞借利七萬二千兩京
津利二萬一千六百兩民車利一萬三千兩吉安田房
變價利四千九百八兩三錢七分三釐火器營利一萬
三千兩江廣達利五萬五千兩三江利五萬二千兩圓
明園利一萬三千兩江振鴻利六千五百兩黃灤泰利
一萬三千兩玉貢利一萬三千兩健銳營利六千五百
兩太監利一萬八千兩新鎗營利七千二百兩駁船利
三萬九千兩柵欄利七千八百兩被褥利五千兩院司
節省等款約三十六萬兩共八十二萬五千九百六十

八兩三錢七分三釐

未完外省各衙門項下

江藩司閏月撥船利四百八十兩蘇藩司關規下半利
二千八百兩河南藩司豫工利六萬五千兩山東藩司
廟工利二萬六千兩湖北藩司邱鑑利一千八百兩馬
價利一萬二千四百八十兩湖南藩司苗疆利一萬三
千兩湖北鹽道金沙洲利五千四百兩蕎麥灣利三千
一百二十兩隄河利一萬九千五百兩旗丁利六千五
百兩河庫道撥船利五千七百六十兩駁船利六千五
百兩駁船經費利二萬兩邳宿利五萬兩節省河餉五

萬兩蘇糧道漕幫利二千八百五兩江興衛利五千二百兩江糧道漕幫利三千二百四十五兩二錢二分七釐淮安府漕幫利一千八百三十兩江藩司充餉鹽規六萬五千四百五十兩匣費三萬三千四百九十八兩蘇藩司充餉鹽規七千五百十八兩核減匣費二萬五千兩安藩司核減匣費二萬兩安臬司驛站飯食一千五百二兩湖北藩司匣費五萬七千四十五兩五錢湖南鹽道匣費五萬九千五百七十三兩二分五釐湖北鹽道匣費二萬二千一百五十兩九錢二分五釐江南鹽道匣費五萬一百八十二兩八錢一分二釐育嬰堂

利未支一百六十兩紫陽書院利未支三百九十兩共
六十四萬三千八百九十六兩四錢八分九釐

以上庚寅綱共未徵未解銀三百六十七萬一千四十
六兩五錢七分七釐

己丑綱未報銀數

未完戶部項下

淮南北入奏正項並江甘融楚淮北融綱升課公罪等
項六十四萬二千一百九十三兩四錢七分七釐織造
八萬一千二百七十四兩七錢五分一釐八旗養廉二
萬四千兩節省船價車騾腳價等銀一萬兩己丑下半

年八旗生息利三萬兩己丑下半年宗人府利一萬八千兩己丑下半年續發利一萬八百兩共八十一萬六千二百六十八兩二錢二分八釐

未完內務府項下

銅斤引費三萬一千三百三十九兩七錢二釐己丑下半年三江利內八旗兩翼公費六千兩己丑下半年民車利六千兩己丑下半年火器營利六千兩己丑下半年太監利一萬五百兩己丑下半年新鎗營利四千二百兩己丑下半年江振鴻利三千兩己丑下半年被褥利二千五百兩己丑下半年玉貢利六千兩己丑下半年

年黃灤泰利六千兩己丑下半年江廣達利二萬六千兩己丑下半年賞借眾商利三萬六千兩己丑下半年駁船經費利一萬八千兩己丑下半年三江利一萬八千兩己丑下半年柵欄利三千六百兩己丑下半年健銳營利三千兩己丑奉發人襁變價未完六萬七千九百八十兩一錢二分一釐己丑年吉安田房變價利四千五百三十兩八錢六釐院司節省等銀約三十六萬六千兩共六十二萬四千六百五十兩六錢二分九釐未完外省各衙門項下

山東藩司己丑下半年廟工利一萬二千兩河南藩司

己丑下半年豫工利三萬兩湖北藩司己丑下半年匣
費二萬八千五百二十二兩七錢五分湖北鹽道己丑
下半年金沙洲利二千七百兩己丑下半年匣費一萬
一千七十五兩四錢己丑下半年蕎麥灣利一千四百
四十兩湖南鹽道己丑下半年匣費二萬九千七百八
十六兩五錢一分二釐江西鹽道己丑下半年匣費二
萬五千九十一兩四錢六釐河庫道己丑第四季節省
河餉一萬二千五百兩己丑下半年駁船利二千八百
八十兩己丑下半年江廣捐造駁船利一萬兩己丑下
半年邛宿運河利二萬五千兩己丑下半年駁船利三

千兩江蘇糧道江興衛利二千四百兩育嬰堂利二百四十兩紫陽書院利一千五百六十兩清節堂利二千四百二十兩江甯藩司己丑下半年匣費一萬六千七百四十九兩己丑下半年充餉鹽規三萬二千七百二十五兩江蘇藩司己丑下半年匣費一萬二千五百兩己丑下半年不充餉鹽規三千七百五十九兩安徽臬司己丑下半年驛站飯食七百五十一兩共二十七萬七千一百十兩六分八釐

以上己丑綱共未徵銀一百七十一萬八千二十八兩九錢八分七釐

辛卯綱應徵課款

淮南北入奏引課等銀一百七十九萬七千三百三十二兩八錢一分淮南北不入奏引解餉腳費等銀八萬四百六十八兩三錢四釐淮南北織造二十二萬七千六百二十兩節省河餉五萬兩銅斤銀五萬兩淮南北引費四萬二千七百一十兩減半餘平七千二百九十兩酒稅六十兩京外各衙門帑利三千六百兩外省各衙門鹽規匣費三十四萬一千九百二十兩二錢六分二釐院司節省等款二十九萬七百一十一兩五錢一分五釐吉安窩利五萬三千四百四十五兩四錢六分江

甘融楚窩價一萬三千三百五十五兩歸還扣留解款
接解甘肅餉銀二十萬兩庚寅年奉發積價十九萬六
千六百八十四兩四錢

謹按兩淮嵯政至道光初年徵帶之繁逋欠之鉅商
困極矣茲將尙書王鼎侍郎寶興與兩江總督陶澍
奏明停緩積欠案內及戶部咨催開列己庚兩綱未
完銀款辛卯綱應徵銀數清冊詳載於篇以見綱法
之所由壞而見行票法之樂利無窮也

道光十一年三月陶澍奏查前任鹽政鍾靈開單截至上
年十月初二日止除已經畫抵外共計墊用過銀四百

九十九萬七百三十四兩零內占礙各款銀二百九十二萬五千二百零外支各款銀二百六萬五千五百三十兩零核與臣前會同臣王鼎臣寶興查奏數目相符惟所墊用占礙各款頭緒繁多此外有無未入清查及輻輳不清之款復經札據運司查明原奏各款按照運庫底冊逐細核對並無訛錯遺漏臣查運庫歷年墊占各款皆因向年正雜不分籠統支用漫無章程嗣因鹽引壅滯課難足額其每年應用之項不能不隨時支發致將應解京外正雜各款亦俱挪墊無存歷任鹽政總期鹽務日有起色卽可分年帶徵是以屢次奉請寬展

詎意疲敝情形年甚一年不但舊欠無補抑且新虧踵至重重套搭庫儲全空經前任鹽政福森奏請徹底清查委員設局按照歷年庫簿逐款勾稽分別造冊存案其中有由運庫核明實應墊用者有由商人出名公用借墊者皆因緊急支用不得已而墊發歲月遠近不同商民更換靡定若將借領之款照領追繳則已乏之商代賠幫公之項徒事枵楊於公無濟兼恐竭蹶倍形無能辦運如責通河公賠其中亦有新籤商人更覺無辜受累力有難支必多阻退招募不前惟有暫停舊欠杜絕新挪輕鹽價以冀暢銷俾課銀獲歸實儲所有墊占

前項銀兩應請仍照臣會同臣王鼎臣寶興前次奏奉
俞允原議辦理同上年冬季庚寅綱墊占已丑錢糧一併暫緩
攤帶俟三五年間力加整頓鹽務得有起色查察情形
如果暢銷再奏明帶徵歸補如見在商人有挾貲告退
及因事革退者其人既退已無歸補之望仍按其公領
專領是否有名分別卽行追繳以免將來庫款無著疏
上下部議尋經戶部覆准奉

旨依議欽此

道光十一年四月陶澍奏兩淮運庫於道光九年十一月
經鹽政臣福森奏請清查旋於上年十二月經前鹽政

臣鍾靈奏覆自道光三年清查截數後起至道光九年十月初二日前任運司蔡學川卸事之日止共計墊用各款銀七百七十九萬七千四百八兩一錢三分三釐除已畫抵歸補外實尚墊銀四百九十九萬七百三十四兩三錢四分四釐開列實占礙銀數清單並聲明庚寅綱課延壓一年尚未開徵此一年中又已墊占奉旨飭交臣查明當經臣按款查明銀數相符請將墊占銀兩仍照臣會同臣王鼎寶興查辦兩淮鹽務各案內奏奉俞允停舊徵新原議辦理同上年庚寅墊占己丑錢糧一併暫緩攤帶奉

硃批戶部議奏欽此查庚寅占墊己丑及殘綱正雜各款前鹽政鍾靈原奏截至道光十年十月止已墊九十餘萬兩自十一月起至年底止一切支款尙須二三十萬兩統俟年底截數等因當經行司確查去後茲據升署兩淮鹽運司俞德淵詳稱遵將清查一案督率局員接續稽核計自道光九年前署運司劉名載十月初一日交代截數起至本年二月十六日署運司色卜星額交卸前一日止除各司任內經徵報部錢糧按款核明均屬相符外所有庚寅年因該綱引鹽未經開徵實計墊解墊支過庚寅年各項銀款共一百二十三萬九千四百五

十三兩七分二釐等情並開除墊解墊支占用各摺冊
請奏前來臣復查此次庚寅歲支墊款臣前同王鼎等
會議章程十五條內聲明續辦清查積欠爲數甚鉅若
卽按綱帶徵仍啟套搭之根占礙新綱地步應俟將來
課款充裕再行歸補以免牽掣欽奉

硃批依議欽此茲庚寅實墊銀數應請於前墊之四百九十九
萬餘兩一併俟三五年閒力加整頓鹽務得有起色察
看情形如果暢銷再行奏明帶徵歸補奉

旨報可

道光十二年二月鹽政陶澍奏辛卯年應領錢斤先已飭

令派京餉委員請領查兩淮積欠釐斤變價共銀九十六萬四千七兩零內已徵銀三十七萬三千一百九十四兩零爲運庫墊占於清查案內據實開列聲請分綱歸補先後奏奉

諭旨允行尙有未徵銀五十九萬八百十二兩零向例發變釐斤俱按各商請運引數派領繳價因丙戌統引半綱未行丁亥統引全綱未行己丑停運三分庚寅全綱停運以致各綱釐斤未能全行領變驗明存儲實釐一百三十七斤有零總緣運滯課懸以致壓閭積欠仰蒙

皇上雅照內務府所請留作帑本生息實荷格外

恩施何敢以下情上陳

宸聽惟是兩淮疲敝已深皆由錢糧逐漸加增以致負重難勝
全局因之渙散前鹽政臣延豐請停發給生息銀兩經
部議准並於道光九年欽奉

諭旨免提行本等款生息銀二十五萬餘兩俾輕成本以紓商
力是兩淮生息之累久在

聖明洞鑒之中見在新章甫定刪除浮費科則稍輕然以經費
難裁約以每引尙須徵銀四兩數錢若將檣斤變價作
爲息本每年加徵銀十餘萬卽恐仍歸前轍商力實有
難支且從前所發七百八十餘萬兩之本銀久已因公

罄盡此時挪後補前係屬空賠利息今獲價一項已徵者早經墊占未徵者尙屬原獲更屬無本可領息從何出惟係內務府緊款未便以墊占滯銷致滋懸宕而欠解業已數年積至九十六萬餘兩當此各項竭蹶之時亦難於驟行全補應請自本年起到丙申綱止分作五年將積欠獲價先行歸補清楚至養育兵錢糧餘獲變價四萬二千九百兩卽在九十六萬餘兩數內當於本年先行解交奉

硃批該衙門議奏旋經戶部行文內務府欽遵辦理

道光二十九年十一月淮南總商公稟商等於十一月二

十九日接楚岸專信至本月十九日二更後塘角貨船延燒鹽船自尾四五幫起燒至頭幫風狂火烈天明未熄計在岸未售鹽船六百餘舟火燬四百餘舟此外逃避鹽船七零八落連夜上下找尋至數十里之內約存二百餘舟所有火燬之鹽約在十分之七分燒斃人口無數及油米貨船更難查考等情商等接閱之下膽裂魂飛同聲一哭伏查淮南鹽務凋敝已非一年自崇陽兵燹夷船入江元氣受傷至今未復今夏又值江河異漲行鹽之地盡屬災區不惟銷路寥寥本虧力絀而且各處捐賑係商等脂膏雖凋殘亦未敢稍存退避詎料

通河資本一炬全灰所燒四百餘舟均係輸過岸費之
鹽合計錢糧鹽本共燒去課本銀五百餘萬兩餘贖之
船尙有不知下落者興言及此淚與筆俱商等已矣

國課將懸若不及早廣招殷戶承辦新綱則正雜支應必
至全停後運無人楚民勢將淡食商等一敗至此已成
廢棄夫復何尤所有存案殘引均已納過正項錢糧將
來招有新商惟求將此項錢糧飭令歸還原商湊還會
票則此後再生之年悉出自仁恩所賜至商等鹽本已
全付祝融岸店亦無力開張徒滋需費伏求行咨楚督
北鹽道卽飭停止費用以便商等收拾燼餘清理客欠

事關重大爲此馳稟經鹽政陸建瀛據情奏報且言水災氾濫之後又值火災若復催追窮商責令補運不惟心所難安抑亦勢所難行惟有另奏新章冀漸挽回元氣奉

硃批妥籌辦理欽此

互見淮
南改票

道光三十年正月鹽政陸建瀛奏上年漢岸火災燬去鹽二十六萬餘引自應援照免課補運凡運新鹽一千引者准其配帶免課之鹽三百引如舊商無力情願自招新商代運者亦照每千引帶補三百引之例奉

上諭分年批補調劑災商均屬妥協已議行矣欽此

互見淮
南改票

謹按鹽政陸建瀛淮南改票案多散失其大略可述者法在革浮費輕成本而已如運司書吏之積弊牢不可破則改爲領引納課設立揚州總局以清衙門之浮費漢口爲江廣總岸其匣費雖裁而暗中之應酬仍多則改爲票鹽運至九江驗票發販以除總岸攤派之浮費鹽船經過橋關皆有掣驗原以防弊乃弊未去而費日增則改爲壩掣以後祇過所掣在龍江一關驗票截角其餘一概停免以省掣驗之浮費鹽包出場以至江口其駁運船價及損鹽改包一切人工皆有吏役經營因而從中勒捐則改爲商自雇

覓不准吏役經手以革勒捐之浮費至引目則減去
滯引三十萬道每年祇行一百九萬餘道俟稍有起
色再復原額至課款則定爲每引正課一兩一錢五
分雜課一兩九錢二分經費六錢五分八釐食岸正
課相同雜費減半交納以外不准絲毫淨收其得手
尤在以帶運之乙鹽爲新引之加斤乙鹽者乙巳一
綱已納錢糧未運之鹽疊奉部催有案援照山東浙
江長蘆加斤之案每引帶運二百斤停止從前加二
五配割以淨鹽六百斤出場四百斤爲正引二百斤
爲乙鹽至儀徵改爲六十斤小包一引十包取其易

於稽查既大減浮費又多運二百斤成本幾輕一半
故開綱數月卽全運一綱之鹽無如行之未久卽值
癸丑寇亂淮南遂片引不行矣而論者頗謂淮南改
票之非以爲散輪輕本矯枉過正然使金陵不淪於
賊淮南引地猶存建瀛必自有補苴之術固未可以
成敗定是非也大抵淮北改票淮南改票皆所以救
綱商之弊故略述梗概云

又按以上所稱商者綱商也行綱鹽之法每年應徵
正雜又加帶銀兩皆應按年清解或有逋欠則併入
下年計算然欠款愈積愈多愈帶愈累於是有銃引

懸課之弊

朝廷軫念商艱或緩或停所以撫恤者至優極渥至於套搭糾葛不可究詰商困而課益絀加以水旱巨禍回祿大變綱法遂窮雖欲不變法不能矣淮南票法初行卽遭粵寇之變引地淪胥咸豐以還張皇補苴無可紀述至同治初年江路暢通引地漸復票法大行人人可以爲商於是設督銷以保商價定輪規以息商爭給環運以固票本較成本以裕商息嚴緝私以杜浸灌規引地以拓利源部爭正額則有減釐加課之挹注商困鄰私則有加重鄰稅之防閑市無見錢

則停止驗貨以舒之新引驟加則給還票本以償之
凡矜恤票商之善政分見於徵權轉運各篇不復贅
述也

卷一百四十

三

兩淮鹽法志卷一百四十